

世界商業史卷上 原名歐洲商業史

英國理財學士器賓著

上虞許家惺校閱

日本國永田健助原譯

上虞許家慶譯述

第一篇 上古史

緒論 商業歷史

第一章 商業之起源

商業歷史。卽世界開化史。凡言各物品如何取給。如何適用。皆隨世界開化程度而各異。是卽爲商業歷史之根據。然世有以能免飢餓爲足願者。亦有以衣食居處爲未足。將華美物飾陳列身外。以顯一己之尊富者。因其嗜慾勃興。固亦能達其志趣。然眞文明開化之機。迺有非能以一國一人之力達之者。緣是慾始達。他慾復起。人生日用所需。輒難求備於一國。故欲令世界

國民充其無量嗜慾。則不可不於近代商業一注意焉。如今之英國。雖力耕而所產穀米。不敷養給。所製衣料。獨有贏餘。故英國恒以衣料輪換他國穀米。總之缺於甲國者。或有餘於乙國。是由於國土之特質。地性之肥瘠。山澤之形勢。種種不同。苟甲乙兩國。皆爲開化。則必通工易事。使彼此所產互足。而商業遂興。

第二章 人民之術技

又如甲國民製造之術長於乙國。乙國則多產羊毛棉花。而民無改製服御之術。甲國所產雖少。而民甚精改製。是以甲乙二國間。勢必通工易事而後可。所以英國於中古時。產羊毛極多。惟不知製造。同時法蘭德斯。爲比利時法蘭西荷產羊毛甚少。其民最長於製造羅絨。故英國與法蘭德斯羊毛羅絨之貿易甚大。欲講求一國商業歷史。尤當攷察居民特性術技焉。

第三章 轉運之業

世界中有國焉。既不產穀米雜物金類以充食用。又乏製造術技以興利權。但能轉運其貨於甲乙國間。是亦爲商業之一術。故中古時。意大利之眞歐。阿腓尼斯等市人。知本土貨物缺乏。專將他國貨物運售於歐洲中部。及歐亞兩洲間。其最要者。爲東方生絲。法蘭德斯。毛蘇等織料。竟獲厚利。厥後是等運貨商民。乃大興製造業。究其致富之由。則莫不由於轉運也。

第四章 富國之源

據以上三端。則凡商業。必由其本國之物產術技轉運。可無待言。若兼此三者。則其國必致饒富。若今英國。卽爲良標準也。試觀英國鑛產殷富。不可探測。製造鑛術。亦無倫匹。惟棉花生絲。絕無所產。卽如羊毛所產。亦復有限。均從他國輸入。以製各種織料。並有無數船舶。以營他國輸運航業。及輸出已

國物產。輸入已國需品。是書本意。專論各國民人商業發達之沿革。讀者當研究一國民之致富。在於此三要素之何點。且考其真源。則當驗其國民政治權力。能雄飛一世者。卽爲其致富之所在。如西班牙。葡萄牙。昔爲世界大商國。其人民於政治權力。實有席捲歐洲。無敢抗行之勢。厥後得美洲新世界。無盡富源者。惟此二國。當中古時。英人尙未成大商國民。故其於歐洲政治。上世人未嘗注目。自女王意大利薩伯治世時代。商民始漸擴張。大獲富饒。卒顯露頭角。迄今爲世界大商國民之冠。

第五章 商業戰爭

自古因商業而戰爭之事。載諸史冊者甚夥。如日耳曼農民戰爭。及第十八周時英法戰爭是已。當中古時。半開國民。侵入羅馬帝國。惟欲肆其奪掠之野性。則每遇爭戰。不得不備應用之軍費。故讀者無論商業歷史。與普通歷

史。凡遇戰爭篇。均當研究如下之問題。『曰是戰爭之真源因何而起其軍費取給何處』况戰爭之原因。大約以欲達己之目的者爲多。雖其效果難必如其初願。然終畧有可觀。且其戰費。必有取償之地。自一七九三年至一八一五年歐洲大戰之際。或因政治。或因商業。而英國所干涉者。欲破壞商業勁敵之法國爲目的。及戰禍既終。歐洲資財。遂爲所蝕。於是英國推廣製造。驟獲大利。然細查戰費所出。則皆由農工商三者。然當時但僅允許。迨後世子孫。陸續徵納而已。又法國革命戰起。因法皇路易十四。示威好勝。國家財力。遂致竭蹶。蓋其威名。實塗炭農民生命。購求而得者也。由是農民。乃肇殘忍大革命。以復王室之讐。若昔十字軍之起也。其經費大半支自英國。及歐洲市民。此等市民。輸遠征費於王室領主。以購其市政自治。與商業自由之權。又昔封建時之武士。平日閒暇無事。一遇有事疆場。則往往索資財於農氓。以顯武功。故讀商業歷